



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2017 жылғы 19 қыркүйек

Данияр Ақышев сыртқы нарықтардағы жағдай, ІЖӨ және инфляция деңгейі туралы айтып берді

2017 жылғы 15 қыркүйекте ҚР Ұлттық Банкі Төрағасының баспасөз және телевизиялық БАҚ-тың бас редакторларымен кездесуі өтті, оның барысында Данияр Ақышев кездесуге қатысушылардың сұрақтарына жауап берді, сондай-ақ сыртқы нарықтардағы жағдай, ІЖӨ және инфляция деңгейі туралы айтып берді. «Деловой Казахстан» республикалық экономикалық газеті кездесудің қоса ұйымдастырушысы болды.

«Қазіргі уақытта сыртқы нарықтардағы жағдай жағымды болып отыр. Мұнай бағасы бір баррель үшін 50 АҚШ долларынан жоғары деңгейде қалыптасып отыр. Оң фактор ретінде сондай-ақ сауда әріптес елдердің – Ресей мен Қытайдың экономикаларының жағымды өсуі мен орнықты дамуын атап өткім келеді», - деді Д. Ақышев.

Ол Қазақстан экономикасының 3 жыл баяулаудан кейін өсуді көрсетіп отырғанын атап өтті. Бірінші жартыжылдықта ІЖӨ нақты көрсетуде 4,2%-ға ұлғайды. Ұлттық Банктің болжамы бойынша, 2017 жылы экономикалық өсу қарқындары 3%-ға жуық болады.

«Инфляция баяулауын жалғастыруда – өткен жылдың осындай кезеңіндегі 5,4%-бен салыстырғанда ағымдағы жылдың 8 айында 3,9%. Тамыздың қорытындысы бойынша жылдық инфляция 7%-ға (2016 жылғы желтоқсанда – 8,5%) дейін төмендеп, 2017 жылға арналған 6-8% нысаналы дәліздің ортасында тұр. 2018 жылы да біз инфляцияның 5-7% нысаналы дәлізде болуын күтеміз», - деп түсініктеме берді Ұлттық Банктің басшысы.

Данияр Ақышев халықтың бағаның болашақ өсуіне қатысты күтулері тұрақты деңгейде екендігін айтып берді. Бір жыл бұрын, соңғы пікіртерімдердің нәтижелері бойынша, инфляциялық күтулерді сандық бағалау 6,5%-ды құрады. «Сондықтан ағымдағы жылдың басынан бастап Ұлттық Банк базалық мөлшерлемені жүйелі түрде төмендеті отырып, ақша-кредит талаптарын жұмсартуын жалғастыруда. 21 тамызда ол 0,25%-ға 10,25%-ға дейін төмендетілді», - деп қорытындылады ол.

Валюта нарығында құбылмалылық сақталуда – Данияр Ақышев

Орта мерзімді перспективада ұлттық валютаның бағамын айқындайтын оң іргелі факторларға қармастан валюта нарығында құбылмалылық сақталуда.

Бұл туралы ҚР Ұлттық Банкінің Төрағасы Данияр Ақышев баспасөз және телевизиялық БАҚ-тың бас редакторларымен кездесу барысында айтты. «Деловой Казахстан» республикалық экономикалық газеті кездесудің қоса ұйымдастырушы болды.

«Шетел валютасына девальвациялық күтулер себепші болған артық сұраныстың нәтижесінде теңге 14 қыркүйектегі жағдай бойынша бір доллар үшін 337 теңгеге дейін 0,3%-ға әлсіреді. Жыл басынан бері 1,4%-ға әлсірегені байқалып отыр», - деді Д. Ақышев.

Ол тамызда және қыркүйектің басында шетел валютасына ұсыныстың жетіспеуі жағдайында Ұлттық Банктің оның сатушысы ретінде болғанын атап өтті. Тамызда Ұлттық Банктің нетто-өктемдігінің көлемі 70 млн. АҚШ долларын құрады.

«Ұлттық Банктің болжамы бойынша теңгенің АҚШ долларына қатысты бағамы, егер мұнайдың бағасы бір баррель үшін 50 АҚШ долларынан төмендемесе, ал Ресей рублінің бағамы бір АҚШ доллары үшін 59-60 рубльден аспаса, ағымдағы деңгейде сақталатын болады», - деді Д.Ақышев.

Сондай-ақ Ұлттық Банктің басшысы елдің алтынвалюта резервтерінің өскені туралы айтты: «Алдын ала деректер бойынша олардың сегіз айда өсуі 32,9 млрд. АҚШ долларына дейін 11,6%-ды құрады. Ұлттық қордың 58 млрд. АҚШ долларына жуық активтерін қоса алғанда, елдің халықаралық резервтерінің жалпы сомасы 2017 жылғы тамызда 91 млрд. АҚШ долларына немесе ІЖӨ-нің 61%-на жетті».

Данияр Ақышев: Ақша нарығы мен мемлекеттік бағалы қағаздар нарығы нарықтық талаптармен жұмыс істеуде

Ақша нарығы мен мемлекеттік бағалы қағаздар нарығындағы ахуал туралы баспасөз және телевизиялық БАҚ-тың бас редакторларымен кездесу барысында ҚР Ұлттық Банкінің Төрағасы Данияр Ақышев айтып берді. «Деловой Казахстан» республикалық экономикалық газеті кездесудің қоса ұйымдастырушысы болды.

«Ұлттық Банк 7 күннен бастап 1 жылға дейінгі мерзімдермен қысқа мерзімді ноттарды шығаруын жалғастыруда, Министрлік айналыс мерзімі 2 жылдан 7 жылға дейінгі мемлекеттік бағалы қағаздарды шығарады. Бұл нарықтағы теңгемен ресурстар бағасы қазір әділболып табылады және нарықтық баға белгілеу қағидаттарына сәйкес келеді. Ұлттық Банктің жылдық ноттары соңғы аукционда (8 қыркүйекте) 8,72%-дық, Қаржыминінің МБҚ 8,9%-дық (9 жылдық МЕУКАМ) кірістілікпен шығарылды», - деді Данияр Ақышев.

Ол капитал нарығы - ұзақ мерзімді корпоративтік бағалы қағаздар нарығы қайта қалпына келіп жатқанын айтты: «Ағымдағы жылы облигациялардың 21 шығарылымы және акциялардың 17 шығарылымы шығарылды. Қазақстан Даму Банкінің сомасы 76,5 млрд. теңгеге, Қазақстан ипотекалық компаниясының сомасы шамамен 6 млрд. теңгеге, Еуразиялық даму банкінің 15 млрд. теңгеге облигациялар орналастырғанын атап өтемін. Нарыққа деген қызығушылық эмитенттер тарапынан да, инвесторлар тарапынан да өсуде».

Қаржы реттеушісі басшысының айтуынша, теңгемен депозиттер шетел валютасындағы депозиттерден асып түсуін жалғастыруда, шілденің соңында долларлану деңгейі 48,6% болды. «Ұлттық Банк валюталық салымдарды теңгемен салымдарға одан әрі айналдыруды ынталандыру мақсатында 1 шілдеден бастап халықтың шетел валютасындағы депозиттері бойынша ұсынылған мөлшерлемені 2%-дан 1,5%-ға дейін төмендетті», - деп атап өтті ол.

Банктердің экономиканы кредиттеуі алдын ала деректер бойынша жылдық көрсеткіш бойынша 2017 жылғы шілденің соңында 0,7%-ға ұлғайды

Банктердің экономиканы кредиттеуі алдын ала деректер бойынша 0,7%-ға ұлғайды және жылдық көрсеткіш бойынша 2017 жылғы шілденің соңында 12,8 трлн. теңгені құрады.

Бұл жайлы ҚР Ұлттық Банкінің Төрағасы Данияр Ақышев баспасөз және телевизиялық БАҚ-тың бас редакторларымен кездесу барысында айтып берді. «Деловой Казахстан» республикалық экономикалық газеті кездесудің қоса ұйымдастырушысы болды.

«Қаңтар-шілдеде теңгемен кредиттер беру өткен жылдың тиісті кезеңімен салыстырғанда 5,7 трлн. теңгеге дейін 5,2%-ға өсті. Заңды тұлғаларға теңгемен берілген кредиттер бойынша сыйақы мөлшерлемелерінің олардың қолжетімділігін бірте-бірте арттыруды қамтамасыз ете отырып, 2016 жылғы желтоқсандағы 14,5% -дан 13,7%-ға дейін төмендеуі жалғасуда», - деді ол.

Қаржы реттеушінің басшысы, егер қаржы нарығының жекелеген сегменттерін дамыту туралы айтатын болсақ, банк секторының жиынтық активтері 2017 жылғы 1 тамызда 24 трлн. теңге (ІЖӨ-ге қатысты 49%), салымшылардың зейнетақы жинақтары – 7,3 трлн. теңге (ІЖӨ-ге қатысты 15%) болғандығын, зейнетақы активтерін инвестициялаудан түскен «таза» кіріс қаңтар-сәуірде 297 млрд. теңгеге ұлғайғандығын, зейнетақы жинақтарының үлесі 33,4%-ды құрағандығын айтып берді. Сақтандыру (қайта сақтандыру) ұйымдары активтерінің жиынтық көлемі 912 млрд. теңгені құрады.

Толығырақ ақпаратты мына телефон бойынша алуға болады:

+7 (727) 270 45 85

e-mail: press@nationalbank.kz

www.nationalbank.kz